

Sarajevo, 26.11.2013.

Prva međunarodna konferencija posvećena šumskim potencijalima Kantona Sarajevo u

organizaciji Ministarstva privrede KS i Šumarskog fakulteta UNSA

„Šume – najznačajniji prirodni resurs Kantona Sarajevo“

Hotel Bristol, 29.11.2013.

Bosna i Hercegovina jedna je od šumom najbogatijih država u Evropi i svijetu. Čak 53 posto njene kopnene teritorije pokriveno je šumom i šumskim zemljištem. O kakvom prirodnom resursu je riječ, govori podatak da je globalna pokrivenost šumom 26, a evropska 34 posto. Ukupna površina šuma i šumskih zemljišta, bez obzira na tip vlasništva, na području Kantona Sarajevo iznosi 82.998,88 ha što je oko 65,43 posto od ukupne površine. Imajući u vidu funkcije šume i činjenicu da šume i šumska zemljišta zauzimaju značajnu površinu u Kantonu Sarajevo, jasno je da upravljanje i privređivanje šumama i šumskim zemljištem predstavlja vitalni državni interes.

Tim povodom Ministarstvo privrede Kantona Sarajevo u saradnji sa Šumarskim fakultetom Univerziteta u Sarajevu organizirara međunarodnu konferenciju posvećenu šumama Kantona Sarajevo pod nazivom **„Šume – najznačajniji prirodni resurs Kantona Sarajevo“ koja će se održati 29.11.2013. godine u Hotelu Bristol.** Na konferenciji će biti riječi o šumskim resursima u Kantonu Sarajevo, predstaviti će se projekti koji su planirani i koji bi se mogli realizirati efikasnim iskorištavanjem šumskih potencijala, a raspravljat će se i o poteškoćama sa kojima se institucije iz oblasti šumarstva suočavaju na terenu.

Među govornicima ističemo ministra privrede mr.sc. Emira Hrenovicu koji će govoriti o aktivnostima Ministarstva u oblasti šumarstva kao i potencijalima kvalitetnog brendiranja šuma u BiH na način da budu lokalno, ali i globalno prepoznatljive i zaštićene. Dekan Šumarskog fakulteta UNSA prof.dr. Mirza Dautbašić prezentovat će studijske programe kroz koje fakultet nastoji na najprihvatljiviji način prenijeti stečena znanja o unaprijeđenju šuma i šumskog zemljišta kao prirodnog resursa. Direktor Uprave za šumarstvo Kantona Sarajevo Samir Fazlić, govorit će o neposrednoj zaštiti državnih šuma putem čuvarske službe, prezentirati će podatke o stanju i razvoju šuma i šumskog zemljišta na području Kantona, kao i o načinu kako je Uprava učestvovala u finansiranju mnogobrojnih projekata. U nastavku predavanja imat ćemo priliku čuti više informacija od direktora KJP „Sarajevo-šuma“ Nermina Demirovića o "Ulozi i značaju KJP "Sarajevo-šume" d.o.o. Sarajevo u očuvanju i korištenju najznačajnijeg prirodnog resursa Kantona Sarajevo". Cilj ove prezentacije je predstaviti preduzeće sa aktivnostima koje provodi na

Ministarstvo privrede Kantona Sarajevo

Adresa: Reisa Džemaludina Čauševića 1

71.000 Sarajevo, BiH

Tel: +387(0)33 562-122

Fax: +387(0)33 562-226

E-mail: mp@mp.ks.gov.ba

Šumarski fakultet u Sarajevu

Adresa: Zagrebačka 20

71.000 Sarajevo, BiH

Tel: +387 (0) 33 812-490

Fax: +387 (0) 33 812-488

E-mail: info@sfsa.unsa.ba

uzgoju i zaštiti šuma, a ne samo korištenju prirodnog resursa, kao i saradnji sa ostalim kako vladinim tako i ne vladinim organizacijama koji koriste općekorisne funkcije šume. Tokom Konferencije učesnici će također imati priliku upoznati se sa aktivnostima i rezultatima do sada realiziranih projekta Srednje škole za okoliš i drveni dizajn iz Sarajeva.

Posebno zanimljivo bit će predavanje Prof. Margaret A. Shannon, zamjenice koordinadora divizije za šumarstvo i ekonomiju IUFRO-a (Međunarodnog udruženja za istraživanje šumskih resursa) sa prezentacijom "Istraživanje šumskih resursa na globalnoj razini: Zašto je potrebno kvalitetno upravljanje šumama".

Za više informacija:

PRag d.o.o.

Emina Šahbegović-Forto

066 901 366

emina.sahbegovic@prag.ba